



02. oktober 2019

UKA2019/223

**UPA2019-imut malittarisassat atuutsinnerini ersarinnerusumik aammalu aalajangersimanerunisamik Namminersorlutik Oqartussat pigisaanni taamatullu suliffeqarfinni pigisat ilaanniittuni siulersuisunik ilaasortaataqartuni akissarsitinneqartarnerat pillugu politikikkut malittarisassanik aaqqissuussinermi Naalakkersuisut peqquneqarnissaannik Inatsisartut aalajangiiffigissasaattut siunnersuut.**

(Aleqa Hammond, Nunatta Qitornai)

Namminersornerullutik Oqartussat tamakkiisumik ilaannakortumilluunniit suliffeqarfiutaanni innuttaasut aningaasaatai pineqartillugit Naalakkersuisut erseqqissunik malitassaqaqput. Malitassaqaqput qulakkeerniarlugu ingerlatsineq innuttaasut sinnerlugit pitsaassutsimik qaffassisumik ataqqinartumillu ingerlatsisoqarnissaa qulakkeerniarlugu.

Naalakkersuisut qulakkeertarpaat makku peqqutigalugit:

Ukiumoortumik suliffeqarfiit Namminersorlutik Oqartussanit pigineqartut tamakkiisumik ilaannakortumilluunniit nalunaarusiarineqartarput, ilatsineq pillugu, atasimeersuarnermit suliaqkiutigineqarsimasut pillugit, suliap killineranut, aningaasat aqunneqarnerata inissisimaffianut, unammilligassat pillugit aammalu inuiaqatigiinnut pisussaaffiup killiffianut pitsanngorsaataasimasunullu tunngasut. Taakku nalunaarusiarineqartut inatsisartunut agguanneqartarput, aningaasanut ingerlatsinermi susassaqaqtunit tamanit atorneqarsinnaasunngortinneqarlutik.

Ataatsimeersuarnerit tamanit najuuffigineqarsinnaapput aamma innuttaasunit najuuffigineqarnerisa avataatigut tusagassiorfiit tikilluaqquasaasuaannarput. Qulakkeerinninniarput professionalimik ingerlatsinerup ammasuunissaanut aammalu qulakkeerninnittarput innuttaasut sinnerlugit sulinerminni innuttaasunut paasissutissat pisariaqartut apuutissallugit.

Siulersuisunut ilaasortanngortitsiniarnerminni inatsisartut piumasaqaataat aallaaviupput, tamanalu soorlu aamma naalakkersuisut akissuteqarnerminni erseqqissaassutigigaat 2011-mi suliaqkiutigineqarsimasoq tunngavigalugu ingerlatsineq aallaaveqarpoq kingorna 2014-mi akissarsiaqartitsisarneq pillugu politik tunuliaqutaavoq.

Siunnersuuteqartut tunngavilersuutigisaat pasinarsaarutit aammalu tunngavilersuutit atorneqartut killormuanit isumaqarfigaavut. Naalakkersuisut pisussaaffitsik naapertorlugu sulipput, allatut isiorneq inuiaqatigiit soqutigisaannik ingerlatsisoqarani allat soqutigisaannik ingerlatsissammata. Tamanna pinngitsoortinniarlugu malittarisassat tunngavigalugit ingerlatsisoqarnera akissuteqaammi ersertoq taperserparput.

# Nunatta Qitornai

## Inatsisartuni



Pitsaassuseq qulakkeerneqarpoq, sulisussat pikkorissut qulakkeerneqarpoq aammalu siulersuisutut ilaasortanngortartut pikkorittuuneri tunngavigineqarlutik toqqarneqartarput.

Kalaaleqaterpassuavut amerliartuinnartut ilinniagaqarluartut amerliartuinnarput, pikkorissorsuit aammalu piukkunnarluinnartut siulersuisuni aqutsisunilu amerlanerusariaqarneri isumaqaratta si-unissami taakku isiginiarneqaannaratik maanna inissisimasunit amerlanerujussuarnut taartissatut inissisimalernissaat isumaqarfigalutigu periarfissaq manna atorlugu naalackersuisut siulittaasunut apuussiumavugut.

Taamatut oqaaseqarluta siunnersuut ilalینگilarput.